

疆

識

畧

彙識畧十三卷

崇陽吳楚材國賢編 蒲圻任文定兆慶校

制度部

國號 班固典引曰肇命人主五德初始厥有氏號莫不開元于太昊注謂太昊號庖犧炎帝號神農黃帝號軒轅蓋自燧皇而上止以自名未為天下之號也至太昊始以庖犧為代號云

年號 始自漢武帝建元元年按趙弼考紀元云以一字紀元者始于漢文帝後元年景帝中元年以二字紀元者始于武帝建元元年以三字紀元者

始于梁武帝大中通元年以四字紀元者始于漢  
哀帝太初元年今詳立號以紀元當始文景  
非武帝也

改元 史記曰秦惠文王十四年更爲元年自漢唐  
至宋元皆踵其失蓋歷代人君即位爲元年中間  
無改元之制惟 國朝獨能正之

五運 通曆曰太昊木德王始有甲曆五運多穀子  
曰五運有二說邵衍以相勝劉向以相生自伏羲  
至顓頊木火土金水相承漢魏以還共遵劉說伏  
犧木德神農火德黃帝土德少昊金德顓頊水德

帝嚳木德帝堯火德帝舜土德夏金德商水德周  
木德秦水德漢火德魏土德晉金德隋火德唐土  
德宋火德

色尚 歷代帝王爲正各異故所尚不同邢昺論語  
疏自夏正尚黑推而上之謂伏羲以上未聞謂女  
媧尚白神農赤黃帝黑少昊白高陽赤高辛黑陶  
唐白有虞赤宜自太昊始也

尊號 項峻始學篇曰天地立有天皇號曰天靈即  
帝王尊號之始也秦有天下李斯請上尊號曰太  
皇至唐高宗始稱天皇中宗曰應天皇帝玄宗開

禮記卷之三十一  
卷之三十一  
十一  
陽春傳  
元以後宰相始率百官上尊號以爲常制宋神宗以虛名無實遂罷之

聖節 明皇雜錄曰唐玄宗八月五日降誕是日宴宰相于花萼樓源乾曜請以是日爲千秋節群臣獻萬歲壽酒其後天子誕日節號自茲始也穆宗誕日令天下州府置宴文宗誕日始禁屠宰宋循用 國朝萬壽聖節百官朝賀致詞

視朝 漢書曰宣帝五日一聽事通典曰唐貞觀十三年房喬奏三日一臨朝長孫無忌奏視朝坐日高祖報曰每日常坐後詔五日升太極殿視事朔

望即爲常式宋五日一視朝謂之起居 國朝常  
日早朝御奉天門午朝御左順門朔望禮節升殿  
聖旨 格古要論曰秦漢天子稱制詔勅中宮東宮  
諸侯王稱令郡守稱教無名爲旨者魏晉天子稱  
聖旨若曰奉承聖上之旨意而已然則稱旨行事  
本取指撫之義以從尋常簡便之稱

傳旨 天順日錄云自太祖相傳列聖臨朝每至日  
曷不遑暇食英宗以勇冲即位三閣老楊榮等慮  
聖體易倦因創權制每日早朝止許言事八件前  
一日先以副詣閣下預以閣事處分陳上遇奏止

依所陳傳旨而已迄今遂爲定制

票旨 國朝英宗九歲登極有詔皆白于張太后然後行太后令付內閣議決具帖開報內閣票旨始此

朝后 百官命婦入朝皇后自唐武后始也

警蹕 周禮夏官隸僕掌蹕宮中之事注謂止行者自漢以來天子出稱警入稱蹕注謂秦制出軍者皆警戒入國者皆蹕止一曰蹕路也謂行者皆警于塗路也又晉魏以來官至貴品其門得施行馬謂一木橫中兩木互穿以成四角施于門以成約

禁周禮之陛極今宮門前鹿角义子是也

微行 帝王微行自漢武帝始也劉氏曰盧生教始皇爲微行非自漢武帝矣

大宴 漢高帝十月長樂宮成置酒宴群臣此錫宴之始也宋朝南郊畢大宴廣德殿曰飲福宴聖節後大宴曰次宴 國朝凡大祀天地次日慶成大宴凡正旦冬至聖節洪武永樂間大宴並如慶成儀宣德以後朝官大與宴者給賜節錢鈔錠

常宴 宋真宗朝聖節外始備設春秋二宴以為定制 國朝凡立春元宵四月八端午重陽臘八等



節永樂間賜百官宴于奉天門東宮千秋節宴于  
文華殿宣德以後與皇太后壽旦俱出宴于午門  
外

避殿 史記曰七國反吳王既敗走景帝詔曰楚王  
邛等重逆無道燒宗廟朕素服避正殿則其事始  
自漢景帝也孝宣之世亦行其禮秦漢已上未聞  
損膳 周禮膳夫掌王食羞王日一舉鼎十有二物  
皆有俎齊日三舉大喪大荒大札天地有戾邦有  
大故皆不舉是王不舉者損常膳也蓋自周公制  
禮之始故漢文帝微服損膳迄今國有災減日食

避正殿行之

輟朝 唐會要曰開元十八年十一月張說薨輟朝  
罷元會是自明皇始也太和中崔龜從奏云正觀  
中任環卒有司對仗奏聞太宗責其乖禮推是則  
太宗以來尚未行茲禮也

廊食 唐會要曰正觀四年詔所司于外廊置食一  
頓五代會要曰唐升平日常叅官每日常朝退賜食  
謂之廊食宋起居幕中賜酒饌

賞賜 說文賞賜有功也賜也者命也惠也周禮匪  
頒匪分也頒賜也謂分賜群臣唐虞車服以庸夏

商懋官懋賞周有弓矢鈇鉞珪瓚車馬衣服土田  
大明會典 皇帝登極冊立東宮巡狩親征視學  
經筵纂脩實錄大臣公差考滿患疾致仕京官省  
親節令王府三司慶賀諸番四夷朝貢軍功賞賜  
用鈔錠胡椒蘇木銅錢并銀兩衣服鞍馬冠帶羊  
酒扇條時鮮米蔬等物各有差等

復鄉 漢高祖破英布還過沛復其民後世創業之  
君復其故鄉自漢高祖始也

賜爵 漢惠帝即位始賜民爵一級自後凡初改  
元率以爲例

優免 周禮卿大夫之職其舍者國中貴者賢者能者服公事者老有疾者皆舍漢之有復除猶周之有施舍皆除其賦役之謂也 會典正統元年令在京文武官員之家除里甲正役外一應雜差俱免先聖先賢子孫亦同嘉靖中京官一品免糧二十石丁二十丁以次遞減外官減半內官內使如之武職王官不免

蠲貸 文獻通考曰漢以來始有蠲貸之事蓋三代之取民田賦而已如下上錯下中三錯之類未嘗立為定法非如後世立為定額雖升合不可懸

欠也由唐以來取民愈重其法愈煩故蠲貸之令愈多

經筵 國朝景泰初始開經筵是時每講畢命中官布金錢于地令講官拾之以爲恩典天順八年甲申八月二日憲宗登極御經筵歲率以二八月中旬旬起四十月末旬止月三會講日皆逢二

大赦 爾雅赦舍也郭璞注謂放置也虞書青災肆赦周禮司制掌三赦之法秦二世即位大赦丘氏曰此後世人君初即位肆赦之始也

大閱 周禮中冬教大閱前期群吏戒衆庶脩戰法

虞人萊所田之野爲表百步則一爲三表又五千步爲一表田之日司馬建旗于後表之中群吏以旗物鼓鐸鐳各帥其民而致質明弊旗誅後至者乃陳車徒如戰之陳皆坐群吏聽誓于陳前斬牲以左右狗陳曰不用命者斬之

云

云

國朝隆慶間

聖駕大閱禮具儀註

鹵簿大駕

炙轂子曰車駕行羽儀導護謂之鹵簿

自秦始皇有其名後漢胡廣作天子出行鹵大楯也所以扞敵部伍之次皆著之簿儀其五兵獨以楯

為名者行道之時甲楯居外餘兵在內故但言鹵簿五禮精義曰大楯領一部之人故名鹵簿

國朝凡正旦冬至聖節三大朝會兵部車駕司會同錦衣衛陳鹵簿大駕于殿之東西凡郊祀耕籍田幸大學俱用鹵簿大駕若祭社稷太廟山川鹵簿內去白澤旗以下至玄武豹尾大涼輦至大輅不設餘同典出會典洪武初定大駕鹵簿肅旗一靖旗一金鼓旗一對金龍畫角三十四鼓四十八面金四面金鉦四面杖鼓四箇笛四管板四串白澤旗紅質一面青質一面門旗四對黃旗四十面金龍

旗十二面日月風雲雷雨木火金水土旗各一面

二十八宿北斗五嶽四瀆四獸天鹿天馬鸞麟熊

羆旗各一面紅纛一對皂纛一把紅節一對小大

銅角各二箇纓頭豹尾各一箇弓矢百副御杖六

十根誕馬二十四疋領頭六對黃麾一對絳引傳

教告止信幡各五對龍頭竿五對豹尾二對儀鎧

戈戟斃各十對單龍戟各三對班劍梧杖立瓜卧

瓜儀刀鎗杖金鉞骨朶各三對羽葆青龍朱雀白

虎青龍玄武幢各五對響節十二對金節三對方

天戟十六對紫紅方傘紅曲黃曲柄綉傘紅直柄



奉蓋繡傘黃紅直柄繡傘各四把青紅黃白黑銷  
金傘各三把黃油銷金雨傘一把紅繡花扇紅繡  
雉方扇各十二把紅黃單龍扇各十把雙龍各二  
十把素扇二十把黃羅曲柄金繡九龍傘各一素  
扇二黃絲鳴鞭四金馬兀交椅脚踏水盆水灌香  
罏香盒唾盂唾壺各一箇拂子四把紅紗燈籠六  
對紅油紙燈籠鮫燈各三對仗馬六匹鍍金銅玲  
瓏香罏一寶匣一座硃紅漆馬兀子四箇鞍籠二  
黃帳房一座大輅玉輅各一乘麾一把戲竹一對  
簫十二管笙十二攢龍笛十二管頭管十二管方

四架箏四架琵琶篋各八把步輦大涼步輦  
大小馬輦各一乘

引駕 唐會要天祐中每延英坐朝日只令小黃門

祇候引從宮人不得出內乃知杜詩戶外昭容

紫袖垂云真出殿引坐而鄭谷入閣詩亦言導

引出宮鈿

丹陛駕 國朝常日奉天門早朝設丹陛駕于午門

外及金水橋單龍戟雙龍戟班劍梧杖儀刀立瓜

卧瓜鐙杖金鉞骨朶各三對單龍扇雙龍扇各二

十四把黃蓋傘黃曲柄傘各二把五方傘五把鳴

鞭四條弓矢五十副如郊祀前期視牲亦用此駕

宋史駕頭一名寶林蓋祖宗即位時所坐謂之正街法坐駕出內臣馬上櫛之

御座 國朝每旦常朝御奉天門其御座謂之金臺

既升座錦衣力士張五繖蓋四團扇聯翩自東西  
陛升立座后左右內使一執蓋升立座上一執武  
備雜二扇立座后正中蓋武備出兵仗局所供一  
柄三刃而圈以鐵線裹以黃羅袂如扇狀用則線  
圈自落三刃出高所以防不虞也天順間命力士  
執繖扇夾立于金水橋南止留座上之繖及夾武  
備二扇耳而坐上繖遇風勁時則去之

出續錄

象

漢鹵簿象最在前晉作大車駕之以試橋梁宋

朝象亦作先則象之先導自漢始也

每象南越軍一人跨其上

四人引 今制象 奴隸演象所

旗

通典曰黃帝設五旗夏后奚仲爲車正建旗旒

旒以別尊卑等級也 國朝鹵簿有肅靖金鼓白

澤門旗等旗共一百二十五面

善縣

獨斷云黃屋者天子車蓋以黃爲裏也左善縣者

以羴牛尾爲之大如斗在最後左駢馬鬃上也繁

纓在馬胷前如索君衣即馬纓也後魏有善縣頭宋

有皂纛

國朝有紅纛皂纛二把

宋史皂纛本後魏善縣頭之制蓋

旄頭之遺象也制與旗同無文采

節

釋名號令賞罰之節也詳服飾部周禮六部漢

文帝制旄節隋制金節八國朝鹵簿紅節一對

響節十二對金節三對

宋史金節隋制也八層籠以黃繡龍袋王公以下皆

有節制同韜以碧油

豹尾

古今注周制也象君子豹變必以尾示謙也

漢制大駕出最後一乘成帝以飛燕置屬車豹尾

中唐貞觀後始加此車于鹵簿內國朝鹵簿有

豹尾一箇竿上龍頭頂蓋垂鈴串珠中垂豹尾又

有豹尾二對制同

誕馬 漢典駕有輿馬三宋導駕有御馬分左右

國朝鹵簿有誕馬二十四疋演繁露云誕馬制用色帛周褭一方氈蓋覆馬脊更不施鞍案通典宋江夏王義恭爲孝武所忌憂懼奏革諸王國制但馬不得過二但字書爲誕但者徒也徒馬有馬無鞍如人袒裼之袒也

相風 晉令云車駕出入相風前引傳玄孫楚張華潘岳陶侃俱有賦

幡

國朝鹵簿有絳引傳教告止信幡各五對宋史

幟也貌幡幡然有告止傳教信幡皆絳帛錯采爲字上有朱綠小蓋四角垂羅文佩

金吾 古今注捧也以銅爲之黃金塗兩頭揚雄箴  
曰吾臣司金敢告執璜

斃 宋朝會要曰斃本緝鳥毛爲之齊有青斃赤斃  
之制 國朝鹵簿有儀鎗戈戟斃各十對以五色  
羅袋縫成斃

戟 戈戟之遺象也戈前驅之器周制也後以赤油  
韜之亦謂之油戟亦曰祭戟 國朝鹵簿有龍戟  
三對方天戟十六對

班劍 宋會要曰本漢朝服帶劍取五色班闌之義  
開元禮義纂曰漢制朝服帶劍晉代之以木謂之

班劍宋齊謂之象劍 國朝鹵簿有班劍三對以木爲之

儀刀 二儀實錄曰儀刀東晉多虞遂以木代之以備威儀即衙刀也宋會要曰銀飾王公亦給

國朝鹵簿有儀刀三對以木爲之貼金龍文爲飾與班劍同

護駕 豹尾以前比省中尚書侍郎御史令史皆執注以督整車騎所謂護駕也

掣槊 爾雅掣牛犴也此獸抵觸百獸無敢當者故金吾仗刺掣牛於槊首以碧油囊籠之爲鹵簿第



一隊

金鉞 宋會要曰儀鎗鉞屬也秦漢有之唐用爲儀  
仗古今注曰秦改鐵鉞作鎗 國朝鹵簿有金鉞  
三對以木爲之

幢 國朝鹵簿有羽葆幢五對青龍白虎朱雀玄武  
幢四把

鳴鞭 宋會要曰唐及五代有之周官條狼氏執鞭  
趨避之遺法也 國朝鹵簿有鳴鞭四條

傘 宋會要曰繖古張帛避雨之制今有方繖大繖  
皆赤質六引內者其制差小 國朝鹵簿有紫方

繖四把紅方繖四把曲柄紅繡繖四把黃繡繖二把黃羅繡九龍傘一把直柄黃繡繖四把紅繡繖四把銷金繖青紅黃白黑各三把黃羅銷金九龍繖一把黃油絹銷金兩繖一把

扇 商高宗有雉雉之祥章服多用翟羽周王后夫人有雉羽扇漢乘輿服之宋孝武時詔王侯鄣翁不得用雉尾演繁露云今人呼乘輿所用扇為掌扇殊無義蓋障翁之訛也凡扇言障取遮蔽為義以扇自障通上下無害但雉尾飾之即乘輿制度耳 國朝有朱團扇紅繡四方扇紅繡花扇各十

二把單龍扇紅黃各十把雙龍扇紅黃素扇紅黃各二十把壽扇二把

索扇 唐明皇時蕭嵩為相奏請天子升降俯仰衆人皆得見之非肅穆之容也凡朔望受朝備羽扇于殿上将出所司承旨索扇扇合上坐坐定去扇禮畢上将退又索扇如初又輦後曲蓋之篔兩扇夾之通謂之扇扇篔皆繡亦有銷金者即古華蓋也又翠蓋天子之羽葆也望翠華之歲蕤見南都賦

輅 商曰大輅周制五輅金玉象革以飾諸未木無

飾後漢加樞文晉兩廂加鷓翅亦謂鷓車 國朝  
鹵簿有玉輅大輅各一乘

馬輦 秦始皇始駕六馬記曰天子駕六馬春秋公  
羊亦云天子駕六疑周制也 國朝鹵簿有大小  
馬輦各一乘

步輦 隋制輦而不施輪以人荷之注云人牽為輦  
正義曰秦始皇去其輪而輿之漢代遂為人君之  
乘 國朝鹵簿有步輦一乘大涼步輦一乘

朝賀 凡正旦冬至前一日尚寶司陳設 御座于  
奉天殿及寶案于 御座之東設香案于丹陛之

南教坊司設中和韶樂于殿內之東西北向其日  
清晨錦衣衛陳鹵簿儀仗于丹陛及丹墀東西相  
向鳴鞭四人左右北向教坊司陳大樂于丹陛之  
東西北向儀禮司設同文玉帛案于丹陛之東金  
吾衛設護衛官于殿內及丹陛之東西陳甲士于  
午門外奉天門外及丹墀東西錦衣衛設將軍于  
奉天門外丹陛丹墀及奉天門列旗幟于奉  
天門外東西典牧官陳仗馬犀象于文武樓南東  
西相向欽天監設司晨郎報時位于內道東近北  
立糾儀御史二人于丹墀北東西相向內贊二人

于殿內外贊二人于丹墀北東西相向設傳制  
宣制等官位于殿內東西相向鼓初嚴文武官具  
朝服齊班于午門外鼓次嚴引禮引百官由左右  
掖門入詣丹墀東西北向立鼓三嚴執事官詣

華蓋殿伺候內官跪奏皇帝具衮冕陞座鍾聲  
止儀禮司官跪奏各執事官行禮贊五拜禮畢贊  
供奉執事官各就位儀禮司官跪奏請陞殿駕  
興中和韶樂奏聖安之曲尚寶官捧寶前行導

駕官前導扇開簾捲尚寶官置寶于案樂止鳴鞭  
報時雞唱曉對贊唱排班班齊贊禮唱鞠躬大樂

外 禮 卷 之 十 三  
十五  
禮 者 國  
作贊四拜平身樂止典儀唱進表大樂作給事中  
二人詣同文案前導引序班舉案由東門入置殿  
中樂止內贊唱宣表百官跪宣訖俯伏興唱宣表  
展表官取表宣表官至簾前外贊衆官皆跪宣表  
訖內外皆唱俯伏興平身序班舉表案于殿東外  
贊唱衆官皆跪代致詞官跪于丹陛中致詞云具  
官臣某等茲遇三陽開泰萬物咸新冬至則云律  
應黃鍾日當長至恭惟 皇帝陛下膺乾納祐

奉天永昌賀訖外贊唱衆官皆俯伏興樂作四拜  
樂止傳 制官詣 御前跪奏傳 制俯伏興由

東門靠東出至丹陛之東西向立稱有制贊唱

衆官皆跪宣制云履端之慶與卿等同之贊唱

俯伏興平身樂止贊搯笏鞠躬三舞蹈贊跪唱山

呼百官拱手加額曰萬歲唱山呼曰萬歲唱再山

呼曰萬萬歲贊出笏俯伏興大樂作四拜平身樂

止儀禮司官跪奏禮畢中和韶樂奏定安之曲

駕興尚寶官捧寶導駕官前導至華蓋殿樂

止引禮引百官以次出

聖節凡萬壽聖節禮與前同但致詞云恭惟

皇帝陛下萬壽聖節臣某等誠懼誠忭敬祝萬



萬歲壽不傳制

中宮朝賀 凡正旦冬至前期一日女官陳設 御  
座于宮中設香案于丹墀之南其日清晨內官陳  
設儀仗于丹陛之東西及丹墀之東西女官擊執  
者立于 御座之左右陳女樂于丹陛東西北向  
設箋案于殿東門外設班首位于中道之東西設  
命婦拜位于丹墀北向設司贊位于丹墀東西設  
司贊位于命婦班之北東西相向設內贊二人位  
于殿內東西命婦至宮門外司贊引入就拜位女  
官具服侍班如常儀尚宮尚儀等官詣內奉迎尚

儀志請陞座 皇后具服出導從如常儀作陞座  
樂止司贊唱班齊樂作四拜樂止唱進箋女官二  
人舉箋案至殿中樂止贊衆命婦跪內贊唱宣箋  
目宣訖興宣箋女官詣案前宣訖興贊衆婦皆興  
司贊引班首由東階升樂作自東門入至殿中樂  
止唱衆命婦皆跪班首稱某夫人妾某氏茲遇履  
端之節敬詣 皇后殿下稱賀內贊司贊同唱興  
司贊引班首由西門出降自西階樂作至拜位樂  
止贊拜樂作四拜樂止司言前跪將 旨由東門  
至丹陛立稱有 旨司贊唱跪司言宣 旨云履

端之慶與夫人等同之贊興樂作四拜尚儀跪奏  
禮畢命婦以次出

東宮朝賀 凡正旦冬至典璽寺官陳設如常儀

東宮具冕服御文華門百官朝賀宣箋致詞云茲  
遇三陽開泰萬物咸新敬惟 皇太子殿下茂膺  
景福賀訖唱俯伏興平身宣 令云履端之節同  
臻嘉慶俯伏興平身四拜樂止跪 啟禮畢

大宴 是日尚寶司設 御座于 奉天殿錦衣衛

設黃麾于殿外之東西金吾等衛設護衛官二十  
四員于殿東西教坊司設九奏樂歌于殿內設大

樂于殿外立三舞雜隊于殿下光祿司官設酒亭  
膳亭于御座之東西設御筵于御座之東  
西設群臣四品位于殿內之東西設群臣酒尊食  
卓于殿外設五品以下位卓于東西兩廊司壺尚  
食各供乃事引禮引羣臣至殿外東西相向立儀  
禮司官跪奏請升座駕大樂作升座鳴鞭樂止  
鳴贊引文武百官四品以上由東西門入至殿中  
橫班北向立五品以下官列于殿外丹墀北向立  
樂作贊四拜樂止光祿司官進御筵大樂作捧  
案至御前樂止進花樂作進訖樂止光祿司官

開爵注酒捧詣 御前進第一爵酒贊內外官皆  
跪教坊司官跪奏進酒飲畢贊內外官俯伏興樂  
作四拜平身樂止贊各就位序班隨進群臣卓散  
花樂作散訖樂止序班即進群臣盞第二爵酒教  
坊司跪奏二奏皇風之曲樂作光祿司官斟酒  
御前序班隨斟羣臣酒教坊司官跪奏進酒候

皇帝舉酒群臣以次舉飲訖樂止光祿司官進湯  
鼓吹響節前導至殿外鼓吹止殿上樂作群臣起  
立光祿司官進湯 御前群臣復坐序班即供群  
臣湯樂止教坊司官跪奏進湯樂作候 皇帝舉

箛群臣次舉 皇帝進湯訖贊饌成樂止武舞入

教坊司跪奏平定天下之舞舞畢出第三爵酒教

坊司跪奏三奏眷皇明之曲樂作進酒如前儀樂

止教坊司跪奏撫按四夷之舞舞畢出第四爵酒

教坊司跪奏四奏天道傳之曲樂作進湯如前儀

食畢教坊司跪奏車書會同之舞舞畢出第五爵

酒教坊司跪奏五奏振皇綱之曲進酒如前儀叙

畢教坊司跪奏百戲呈應舞畢出第六爵酒教坊

司跪奏六奏金陵之曲進酒進湯如前儀教坊司

跪奏八蠻獻寶進呈舞畢出第七爵酒教坊司跪

奏七奏長揚之曲進酒如前儀教坊司跪奏採蓮  
隊子呈應畢出第八爵酒教坊司跪奏八奏芳醴  
之曲進酒進湯如前儀食畢跪奏魚躍于淵進酒  
如前儀飲訖光祿司官收御前爵序班隨收群  
臣盞光祿司官進湯進大膳大樂作群臣起立進  
訖復坐序班隨供群臣飯教坊司跪奏進膳食訖  
贊膳成樂止光祿司官收膳訖教坊司跪奏百花  
隊舞呈應畢出鳴贊唱徹案序班徹羣臣卓訖光  
祿司官即徹御案贊宴成群臣皆出席北向立  
序班即徹群臣坐殿外宮皆詣丹墀北向立贊鞠

躬樂作四拜平身樂止群臣分東西立儀禮司跪  
奏禮畢 駕興大樂作鳴鞭百官以次出

中宴 禮同前百官一拜三扣頭酒止七爵

常宴 禮同前百官一拜二叩頭酒三爵或五爵而  
止

貢獻 廣雅貢稅也上也鄭玄曰獻進也致也屬也  
奉也皆致物於人尊之義也宋尚書禹別九州任  
土作貢其物可以特進奉者曰貢盛之於筐而進  
者曰篚若不常歲貢須賜命乃貢者曰錫貢故充  
州厥貢漆絲青州厥貢鹽絺海物惟錯岱畎絲枲



鉛松怪石徐州厥貢惟土五色羽畎夏翟嶧陽孤  
桐泗濱浮磬淮夷蠙珠暨魚揚州厥貢惟金三品  
瑤琨篠簜齒革羽毛惟木荊州厥貢羽毛齒革惟  
金三品柶榘栝柏礪砥砮丹惟筍簞楛豫州厥貢  
漆臬締紵梁州厥貢璆鐵銀鏤砮熊羆狐狸織皮  
雍州厥貢球琳琅玕兗州厥篚織文青州厥篚檠  
絲徐州厥篚玄纈縞揚州厥篚織貝荊州厥篚玄  
纁璣組豫州厥篚織纊揚州錫貢厥包橘柚豫州  
錫貢磬錯荊州納錫大龜是也又周禮以九貢致  
邦國之用一曰禮貢二曰嬪貢三曰器貢四曰幣

貢五曰財貢六曰貨貢七曰服貢八曰旂貢九曰  
物貢是也獻者謂貢篚錫貢之外所進奉者也禮  
記曰獻車馬執綏獻馬者執鞞獻人虜者操右袂  
執琴瑟者上左手獻几者拂之獻杖者執其末此  
其制也

彊識畧十三卷終

彊識畧

卷之十三

二十一

陽春園

林氏

通志卷十四

崇陽吳楚材國賢編

蒲圻任文定兆譽校

仕進部

賓興

賓敬也興舉也三物六德六行六藝也成周

鄉舉里選之法合閭族州黨之人行鄉飲之禮用

賓客之儀以興舉之書其氏名於簡冊之中獻所

書於天府是爲賢書

即今試錄

王拜受之王制命鄉論

秀士升之司徒曰選士司徒論選士之秀者而升

之學曰俊士升於司徒者不征於鄉升於學者不

征於司徒曰造士大樂正論造士之秀者以告於

王而升諸司馬曰進士司馬辯論官材論進之賢者以告於王而定其論論定然後官之按後世取士雖不用此制而鄉貢士進士之名出於此

科舉 國朝洪武三年爲始特設科舉以起懷才抱德之士務在經明行脩博古通今中外文臣非科舉者毋得與官十七年頒科舉程式凡三年大比子午卯酉年秋鄉試辰戌丑未年春會試士各專一經

三場 前漢貢士射策謂爲難問疑義書之於策有欲射者隨其所取得而釋之梁陳尚詞賦唐初并

試雜文玄宗舉人問策外更試賦并雜文貼經為

三場試

按雜文即今論

宋神宗始罷諸科分經義詩賦以

取士

後世經義始于王安石

寶祐四年博學宏辭二月十二

日試第一場制記各一首十三日試第二場表銘

各一首十四日第三場序頌各一首 國朝鄉會

二八月俱以初九日為第一場試四書義三道五

經義各四道十二日為第二場試論一道詔誥表

內科一道判語五條十五日為第三場試策五道

燒燭

唐勅進士引試早入晚出試雜文並點門入

省經宿就試連夜以燭三條為限不許更續後因

禮部奏乃始達旦也

唐詩三條燭盡更初動蓋達旦云今制初末二場各給

燭二條中場給一條宿場者聞卷多堂貼不錄以防焚

印卷

後唐明宗勅舉人試前五日納試紙用中書

省印印訖付貢院 國朝鄉試卷用各省布政司

印會試卷用禮部印

編號

宋祥符中試前一日貢院始出榜曉示逐人

排坐位處所謂之坐位榜亦謂混榜 國朝鄉試

爲席舍圖用紙裝二軸圖東西坐行以千字文編

號注各生姓名鄉貫經書會試亦同

鄉貫 唐玄宗勅諸州貢舉皆于本貫不得于所在

附贊 國朝鄉會試卷首書各生年甲籍貫三代  
近日冒籍之禁尤嚴而黠者往往犯禁

印題 宋仁宗親試進士于崇政殿內出三題摹印  
以賜太中祥符元年清明象天賦仍錄題解摹印  
示之景祐後既摹印不許上請 國朝鄉會殿試  
題紙皆摹印遍賜

彌封 唐武后以吏部選人多不實乃會試日自糊  
其名暗考以定等第宋貢舉發解皆用其事曰彌  
封 國朝鄉會試場內俱設彌封所委官以主之  
謄對 彌封之後送謄錄所發書手抄謄始猶用生

儒謄寫後作弊端故改用書手謄完送對讀所生員對正然後封墨卷止將硃卷校閱近日將硃墨二卷解部

黃紙 本朝廟諱親王名諱經生作文依例迴避惟二名不偏諱三場畢送受卷所交收

巡綽 宋雍熙二年詔禮部引試分差官廊下察視勿容私自授受初以檢視九經諸科至景德中為巡試鋪天聖中始有巡鋪官 國朝鄉會殿試皆用武職為巡綽官

監門 宋雍熙二年詔禮部試九經諸科輪番差官



二人在省門監守此試院監門之始也 今制鄉  
試以御史稱監臨官按察司監試官會試則御史  
稱監試官貢院事無大小悉掌之御史

知舉 隋唐貢士皆考功主試開元中考功員外郎  
李昂為舉人詆訶玄宗以員外望輕遂移貢舉于  
禮部以侍郎主之 國朝鄉試巡按御史監臨布  
政司官提調會試則禮部堂上官知貢舉提調則  
儀制司

會試 國朝北京會圍始于永樂乙未洪熙元年定  
南北中三卷以取士

程文 洪武十八年會試止錄士子姓名鄉貫而未刻程文錄文自二十一年始也丘文莊云正統景泰以前所刻程文皆士子親筆有司稍加潤色耳近日多是考官代作甚至舉子無一言於其間殊非設科之本意萬曆乙酉用言官之請始復此制云

解額 先是取人無額宣德改元始鐫定額兩京十二藩貴州附雲南各隨地產以差多寡後兩京各增至一百三十五庚子湖廣增至九十丁酉貴州自開科取三十五而浙江江西福建各九十河南

廣東四川山陝各八十廣西山西各七十雲南  
十俱為定式自正統壬戌以來舊額量增而會試  
則加以半禮部試臨期取旨遂為定制

考官 科場舊制分簾內外以隔絕交通之弊簾內  
考試官主之簾外監試官主之提調官兼總內外  
取人刻文則考官事也兩京及會試皆出自朝  
命鄉試則御史聘外省教官萬曆乙酉仍遣京官  
而府州縣官亦與焉

設衛 通典云武德以來禮部閱試之日皆嚴設兵  
衛荐棘闈之搜索衣服譏調出入以防偽濫焉故

貢院謂之棘圍事畢謂之徹棘

放榜 撫言云進士榜頭立黃紙四張以氈筆淡墨書禮部貢院四字按李紆放舉人榜令吏王景方醉以氈筆染不能加墨迨明方覺字體濃淡相間反致其妍自後遂為故事 今制鄉試用布政司會試用儀制司首云為科舉事中式舉人幾百幾十名

舉人 方今舉士俗號舉人皆稱覓舉見唐薛登疏

宋嘉祐二年親試舉人凡與殿試者始免黜落

露續云同進士出身始太平進士出身始祥符諸州助教始熙寧御試不黜落始嘉祐四年舉子前

此許扶書至祥符止許帶禮部韻景祐五年舉人  
見有落解經生唐突自此遂只許解元見聞喜宴  
錢熙寧始賜蘇紳父仲昌生紳十九年解入京始  
父子相識景德二年契丹犯河北特推舉人恩

進士

名見王制隋大業中始置進士之科

國朝

天下舉人會試禮部中式猶稱中式舉人殿試始  
賜進士

殿試

武后天授元年策問貢士於洛陽殿殿前試

士自此始臨軒策士則倣漢武帝親策賢良方正  
策問也其供事讀卷等官俱載登科錄

恩榮

三月十五日早諸貢士赴內府殿試上

御

皇極殿親賜策問三月十八日早文武百官

朝服侍班是日錦衣衛設鹵簿于丹陛丹墀內

上御 皇奩殿鴻臚寺官傳制唱名禮部官捧黃  
榜鼓樂導引出長安左門外張掛畢順天府官用  
傘蓋儀從送狀元歸第十九日賜宴于禮部宴畢  
赴鴻臚寺習儀二十一日賜狀元朝服冠帶及進  
士寶鈔二十二日狀元率諸進士詣先師孔子廟  
行釋菜禮禮部奏請命工部於國子監立石題名  
龍虎榜 唐歐陽詹與韓愈李觀李絳崔群王涯聯  
第進士皆天下選時稱龍虎榜今鄉會榜稱之取  
風雲義也

試錄 鄉試錄舊例進呈令翰林評駁成化十四年

申定格例行之至今洪武甲子鄉試乙丑會試初  
為小錄然惟列董事之官試題及中選等第前後  
有序永樂以後始定其制各省教官前後二序以  
兩京為法也然兩京序文稱臣獨與會試同云

宋王棟貽謀錄云 國初進士期集以甲次高下  
率錢刊小錄事遊燕或富而名次卑所出無幾或  
貧而名次高至於假丐熙寧六年三月庚申詔賜  
進士及第錢三千緡諸科七百緡為期集費一時  
歆豔以為盛事次舉熙寧九年三月戊寅練亨甫  
奏罷期集錢止賜錢造小錄及第五百千諸科二  
百千而遊燕之費復率錢為之至元祐三年三月  
甲戌詔復增進士錢百萬酒五百壺為期集費相  
仍至今定為千七百緡而局中几所率錢皆以小  
錄為名而同年得與燕集者無幾又為職事者曰

叨飲食所得小錄題紙札裝演皆精緻不費一金  
其不與職事者出錢而所得絕不加不沾盃勺無  
乃大不  
均乎

泥金 唐新進士及第以泥金貼子附家信謂之泥  
金信又歡宴謂之燒尾云魚躍龍門必雷燒其尾  
乃成龍又虎化為人惟尾不化須為焚除乃成人  
又新羊入群多觸必火其尾乃定大率謂人之初  
蒙除授必樂飲乃成榮也

狀元 世謂之鼎元又謂龍首一甲三名謂之天選  
雖吏部亦無統屬相見則入其後門又瓜槌一對  
黃傘送歸第順天府送歸第俗曰遊街

彭文憲  
云憲  
記云  
手鏡



律及第同時陳緝熙鑑岳季方正謝恩後即詣閣  
下拜先生時曹公為陳公循苗公象高公毅俱以  
侍郎兼翰林學士遂留早飯酒饌隨光祿所供不  
增設諸先生笑曰此是本院故事儒官清淡只如  
此一月後本院自學士下至孔目皆出賞置酒于  
後堂學士列坐于上予三人讀坐前之左侍講坐  
前之右餘皆旁坐謂之慶狀元公宴之盛又諸衙  
門所無次月予三人同回席予出禁倍于二同年  
亦循舊典也

榜眼 名次于第一人居第二謂一榜之眼也宋朝

舉三元者三人我朝三九惟商文毅一人亦有本

擬第一而偶因拆卷或寘之次列者如永樂甲辰

初擬孫日恭為第一 太宗謂此乃暴字也及見

邢寬二字甚喜親擢為第一以丹書其名于榜首

前此未有丹書名者寬江北人也

探花 進士杏園初會謂之探花宴以少俊一人為探花使遍遊名園世謂之探花郎

分甲 宋太平興國九年進士始分三甲自是錫宴瓊林苑 今制一甲三名賜進士及第狀元授翰林脩撰榜眼探花授編脩二甲賜進士出身三甲賜同進士出身分送九卿衙門觀政以次授官

館選 進士間選為庶吉士隸翰林院命學士等官教之學業成者除翰林官其後二甲編脩三甲檢討兼科道部屬官起于永樂間命學士解縉等選

新進士才識英敏者俾就文淵閣讀中秘書於是

選曾祭等二十八人

以應二十八  
宿見通紀

貢士 周禮大司徒邦國舉賢者于王則貢舉之始

也唐武德初諸州號明經俊秀州縣試取合格者  
每年月隨方物入貢武后時劉承慶疏請貢人列  
方物之前從之 國朝令各府學每歲貢一人州

學三歲貢二人縣學二歲貢一人

成化二年從太  
學士李賢之請

衛學每歲貢一人以先入學者提學試而充之近  
又有選貢恩貢丘文柱云漢武帝令博士弟子試  
通一藝以上補文學掌故闕以太學生入仕之始  
其後唐有學館生徒宋有三舍之制今世歲貢生  
員禮部奏於奉天門下試中送國子監肄業循資  
送吏部選用

計偕 漢元光五年徵吏民有明當世之務習先聖

之術者縣次續食令與計偕計謂上計簿也偕謂

每歲郡國有上計之吏命與偕來也立文莊曰今世初場試士

以五經四書即此習先聖之術終場策士以時務即此明當世之務鄉貢舉人赴禮部者給脚力廩

給即此續食計偕又勸駕謂郡守自為勸勉駕車遣之也

行卷 唐人舉進士必行卷者為緘軸錄其所著文

以獻主司也其式見於李義山序

下第 唐世舉人呼已第者為先輩自目則曰前進

士俱捷謂之同年列姓名于慈恩寺謂之題名籍

而入選謂之春闈不捷而醉飽謂之打盹燥又龍

門不得過膝腮點額又梁試進士不中程者飲以墨水

武舉 唐武后長安二年始置武舉準明經進士貢

舉例迭其制有長槩馬射步射筒射又有馬槍翹

關負重身材之選

今制三年一開科皆鄉會試之後十月初九日鄉試初場試馬

箭十二日二場少箭十五日三場試論一道策二道會試兵部請命如兩京鄉試之例正德三年始刻錄前後有序賜會武宴一如文試又唐郭子儀以武舉異等補左衛史後為大臣身繫天下安危

二十一年

薦舉 戴記云古者諸侯貢士一適謂之好德再適

謂之賢賢三適謂之有功乃知九錫不貢士一則

黜爵再則黜地三而黜爵地畢矣

白虎通曰貢士於天子進賢勸

善者也天子聘求之者貪義也又趙武薦四十六人於其君及武之死也四十六人皆就賓位其無私德者若此又薦白屋之士管庫者六十家今世稱座主門生何也謝濤為巡撫益利兩路使回舉所部官三十餘人陳諸吏治狀而願連坐故奉使舉吏連坐自濤始

辟舉

漢自詔舉之外其府寺郡國屬吏皆令自辟

故河南守吳公召賈誼致門下孫寶明經張忠辟

寶為屬楊震辟杜喬胡廣辟李膺至宋猶然司馬

光作通鑑

英宗命置局秘閣以其所素賢者劉攽劉恕范祖禹為屬又奏其子康為樞閣

文字除秘書省正字遷校書郎

裁帖

通典開元中舉行課試之法帖經者以所習

經掩其兩端中間惟開一行裁紙為帖凡帖三字  
隨時增損可否不一或得四得五得六者為通此  
白樂天類書所名六帖也六帖云取中帖之數以  
名其書期於必遂中選也

吏員 周官府史胥徒即今吏員所謂庶人在官至

秦秦儒崇吏

漢因之始有試吏入仕之途若路温舒為縣獄吏丙吉為魯獄吏龔勝為

群吏趙禹為佐史之類國朝吏員在外藩憲衛  
府州縣以六年三年為滿限至部分撥在內諸司  
以三年為考依資格  
叙用又掾曹名巨錄

任子 即今官生 祖宗雖有定數然皆出自恩典

或與或否近年三品以上子孫入監方有定例其

功世襲者  
一例授職

納粟 漢武令入粟縣官拜爵得以除罪今援例入

監老疾收贖蓋本于此張釋之以入贖為郎卜式持錢二十萬與河南太守

召拜為中郎又直武功爵世謂之鬻爵

赴任 瓜時而往及瓜而代見左傳賜辦裝錢見漢

書賜縣令錢三萬與三臺祖餞治裝一月見百官

志

須知 會典凡除授官員於吏部給憑就行關領到

任須知前去本衙門到任務要照依須知內條款

事例逐一遵守施行毋得視為文具 勅諭授職



到任須知云志人未官不可不知受任應行之事  
但肯於間中先知到任須知明白為官之道更有  
何加若提此綱領舉是大意如推之諸事無有不  
知辦與不辦若人懶於觀是綱領雖是聰敏過人  
官為之事亦不能成若能善讀勤觀則永保祿位  
事不勞而疾辦此書所載學生及野人輩皆可預

先講讀以待任用

且五經四書備身為治之道有志之士固已講習此書雖籠俗

實為官之要機熟讀最良故茲勅諭一祀神二

恤孤三獄囚四田糧五制書榜文六吏典七吏典

不許那移八承行事務九印信衙門十倉庫十一

所屬倉場庫務十二係官頭匹十三會計糧緒十

四各色課程十五魚湖十六金銀場十七窑冶十

八鹽場十九公廨二十係官房屋二十一書生員

數二十二十者宿二十境內儒者二十子順孫義夫節婦二十  
四官戶二十五法氏戶三十一警迹人又新官到任  
七奸間不務生理二十八祗禁弓兵二十九犯法  
官吏三十犯法氏戶三十一警迹人又新官到任  
各房供報須知式樣凡新官到任其先任首領官  
六房吏典限十日以裏將各房承管應有事務逐  
一分豁依式攢造文冊從實開報如有隱漏不實  
及故不依式攢造文冊從實開報如有隱漏不實  
該吏各以違制律論罪有所規避從重論云  
文莊曰今制三年方面及府州縣官朝覲各以  
所治須知之事造冊以獻于朝六部都察院行查  
所行事件有未完報者當廷劾奏之以行黜陟

考課

丘文莊曰本朝以百官考課之法屬之吏部

內外官皆以三年為一考六年再考九年通考始  
行黜陟之典是則有虞之制也官滿者則造為牌  
冊備書其在任行事功績屬官則先考於其長書

其最目轉送御史考核焉亦書其最目至是考功稽其功狀書其殿最凡有三等一曰稱二曰平常三曰不稱既書之引奏取 旨令復職六年再考亦如之九年通考乃通計前二考之所書者以定其升降之等其立法之簡而要詳而盡漢唐以來所未有也其以御史考核即漢宣命御史考殿最也書以考語即唐人第其善最也稽其牌冊引以奏對即宋人之引對磨勘也

善最

近侍選司考挾禮官樂官判事宿衛督領法

監掌

後使也官倉庫歷官方術關津市司牧官鎮

疆

職

畧

卷之十四

稱格勤  
一

攝職 六帖云兼人之職孔子為魯司寇攝政七日  
誅少正卯

換官 母丘儉為鎮南將軍令豫州刺史諸葛誕對  
換即今制調任也

遷除 漢書音義云凡言除者除故官就新官也  
聘召 荀子聘人以圭聘士以璧召人以瑗又勸駕  
趣裝蒲輪玄纁羔幣束帛並見史

朝會 周禮大宗伯以賓禮親邦國春見曰朝夏見  
曰宗秋見曰覲冬見曰遇舜群后四朝禹玉帛萬

國

顧問

詞林記云侍從文學之臣論思獻納自漢已

然至唐始設翰林以言語文字備顧問因有天子

私人與內相之目而待制輪對有非諸司所敢望

者國初儒臣雖布衣皆得備顧問及置本院允

上御殿閣樓門并出入禁籞無不從游

又定為入直即唐之

待制也奏事即宋之輪對也又入閣者唐世竒日視朝為入閣蓋乘與御禁宸殿殿在內故煥伏入

閣門也遂有此名

寓直

宋真宗咸平初置翰林侍讀擇老儒耆德設

直廬於秘閣更直侍講讀訪問或至中夕

今遂

為制

奉使

周官小行人掌邦國賓客之禮

風俗通云周

月遣輜軒之使採異代方言還奏之永歲祕室漢舊儀奉璽書使者乘馳傳其驛駒也三騎行日夜千里為程又往曰奉命未曰復命一曰報命又皇華見詩又天文志天節星主奉使又執圭持斧埋輪攬轡河源海上赤

惟白蓋並見初學記

休假

急告寧皆休假名也釋名曰急及也言操切

之使相逮及也李斐漢書曰告請也言請休謁也

寧安也告曰寧也漢律吏二千石有予告有賜告

予告者在官有功最法所當得者也賜告者病滿

三月當免天子優賜其告使得印綬將官屬歸家

理疾至成帝時郡二千石賜告不得歸家自馮野

王始也

休假亦曰休沐漢律吏五日得一休沐言休息以洗沐也

踐更

漢書注更有三品有卒更有踐更有過更古

者正卒無常人皆迭為之一月一更貧者欲得顧更錢者次直者出錢顧之一月二十是謂踐更天下之人皆直戍邊三日亦名為更律所謂徭戍也雖丞相子亦在戍邊之調一歲一更諸不行者出錢三百入官以給戍者是為過更

謫罰

書校諸四裔六帖緩死申恩徙於瘴癘又校

荒左遷逐臣遷客離騷注俟罪荒陬

閑退 楚辭進不入以離尤兮退將脩吾初服又製

芰荷以為衣集芙蓉以為裳詩人類以棄官歸隱

為高而謂軒冕榮貴為外物然鮮有能踐其言者

故韋丹與僧靈徹為忘形之契寄徹詩云王事紛無暇日浮

生冉冉只如雲已為子午歸休計五老峯前必共論徹訓詩曰年老心閑無外事麻衣草坐只榮身

相逢盡道休官去林下何曾見一人蓋譏之也

遺愛 子產古之遺愛見左傳亮州人為宋遊道生

立祠堂像題曰忠清君劉陶病免順陽長人曰思

我劉君何時復來見六帖廣人為宋璟立遺愛頌

璟請禁止又羊祐何武並見史傳



致仕 曲禮七十曰老而傳注傳家事任子孫又大  
夫七十而致仕若不得謝則必賜之几杖 會典  
云 國初官員凡以理致仕者 朝廷待以優禮  
與見任同又有陞秩給俸 賜勅之典其後大臣  
致仕或給驛還鄉或命有司歲撥人夫月給食米  
有差其尤寵異者或賜勅或加賜白金文綺或又  
官其子孫皆 特恩云

隱逸 肥遯遯世見易考槃見詩班嗣曰漁釣於一  
壑則萬物不干其志栖遲于一丘則天下不易其  
樂逸士傳巢父堯時隱人年老以樹為巢而寢其

上故人號為巢父堯之讓許由也以告巢父巢父  
曰汝何不隱汝形藏汝光非吾友也乃擊其膺而  
下之許由悵然不自得乃遇清冷之水洗其耳拭  
其目曰嚮者聞言負吾友遂去終身不相見樊仲  
父牽牛飲之見巢父洗耳乃驅牛而還耻令牛飲  
其下流也又枕流欲浣其耳漱石欲礪其齒又處  
則為遠志出則為小草見史東方曼倩陸沈金馬  
流樊至於無所底止有所謂通隱者何點也見本  
傳充隱者皇甫希之也見桓玄傳黃非隱士者許  
寂也仕蜀好備鍊見蜀檮杌隨駕隱士者盧藏用  
也舉進士不調始隱終南有意當世見本傳游俠  
隱士者前何點與弟徽  
遊人間見本傳

國朝貢舉

洪武

四年辛亥

陶凱潘廷堅為主文官取俞友仁等百

進士是年一甲第一名授禮部員外  
郎二名吏部主事三名戶部主事

十八年乙丑朱善鼎鉉為考官取黃子澄等四百七

士一甲  
俱脩撰

二十一年戊辰

陳宗順為考官取施顛等九十九名

一名脩撰第二第三俱編脩著為令  
元得人教有司立坊牌坊故坊上特揭  
聖旨二字

他坊惟恩榮小扁此我  
下坊牌之始也見襄陽志 朝天

二十二年辛未

取許觀等三十一人  
賜許觀張顛宗吳言信等進士

二十七年甲戌

取彭德等一百名  
張信耿清戴德彛等進士

三十丁丑 劉三五 白信稻為考官取宋琮等五十

士北士被黜者言不公命張信再考覆閱取六十

一人六月初一日臨策復賜韓克忠王恕焦勝等

進士前考官 劉三五 謫戌 董倫高遜志為考官取吳溥等一百一

三十庚辰 十人 廷試賜胡靖王艮李貫等進士

永樂二年甲申 解縉黃淮為考官取楊相等四百七十

士以後一名授官俱遵洪武戊辰 例第一名備撰第二第三俱編備

四年丙戌 廷試賜楊溥為考官取朱縉等二百二十人

榜殿試賜周翰等三人進學翰林餘俱付吏部除

學官宣德間循此制後不復廷試矣 廷試賜蕭時中苗秉

七年己丑 取陳遜等一百名 廷試賜蕭時中苗秉

十年壬辰 廷試賜馬鐸林誌等一百人

十三年乙未

名梁潛王廷試洪為考官取洪英等三百五十

十六年戊戌

名曾蔡王廷試為考官取董璘等二百五十

十九年辛丑

廷試楊士奇周述為考官取陳中等二百名

二十年甲辰

名曾蔡余昇為考官取葉恩等一百五十

宣德二年丁未

取趙昇等一百名廷試賜馬愉杜寧

五年庚戌

廷試英錢習禮為考官取陳詔等一百名

八年癸丑

廷試黃淮王直為考官取劉哲等一百名

正統元年丙辰

廷試王直陳循為考官取劉定之等一百名

四年巳未

廷試王直蘭從善為考官取楊昇等一百名

七年壬戌

廷試王英苗表為考官取姚夔等一百五十名

卷之十四

十一年乙丑 錢習禮馬愉為考官取商輅等一百五十

十三年 戊辰 高毅杜宰為考官取岳正等一百五十

景泰二年 辛未 江淵林文為考官取吳匯等二百名

五年 甲戌 商輅李紹為考官取彭華等三百五十名

天順元年 丁丑 薛瑄呂原為考官取夏積等三百名

四年 庚辰 呂原柯潛為考官取陳選等一百五十名

七年 癸未 彭時錢溥為考官取吳欽等二百五十名

會試甲申三月十五 殿上不御殿止傳策

成化二年 丙戌 劉定之萬安為考官取章懋等三百五

士甲申榜 號道學榜 丙戌榜

年五 巳 廷 劉明 劉吉 為考官 取費 閻等 二百五十名

年六 壬辰 名 萬安 廷 江朝宗 為考官 取吳寬 劉震 李仁傑 等 二百五十名

年七 乙未 廷 徐溥 丘濬 為考官 取王鏊 等 三百名

年八 戊戌 名 劉吉 廷 彭華 為考官 取梁儲 等 三百五十名

年九 辛丑 廷 徐溥 王獻 為考官 取趙寬 等 三百名

年十 甲辰 廷 彭華 劉健 為考官 取儲瑞 等 三百名

年十一 丁未 名 尹直 廷 吳寬 為考官 取程楷 等 三百五十名

弘治三年 庚戌 廷 徐溥 汪諧 為考官 取錢福 等 三百名

年十二 癸丑 廷 李東陽 陸簡 為考官 取汪俊 等 三百名

年十三 丙辰 廷 謝遷 王鏊 為考官 取陳瀾 等 三百名

年十四 丙辰 廷 謝遷 王鏊 為考官 取陳瀾 等 三百名

醫 我 東 卷 四 一

十二年 己未 李東陽 程敏政 為考官 叙豐熙劉龍等進士

十五年 壬戌 吳寬 劉機 為考官 取曹鐸等三百名

十八年 乙丑 張元 禎 楊廷和 為考官 取董玘等三百名

正德三年 戊辰 王鏊 梁儲 為考官 取邵鏡等三百五十五名

六年 辛未 劉忠 靳貴 為考官 取鄒守益等三百五十五名

九年 甲戌 梁儲 毛澄 為考官 取霍韜等四百名

十二年 丁丑 靳貴 顧清 為考官 取舒倫以訓等二百五十五名

十五年 庚辰 石瑄 李廷相 為考官 取張治等三百五十五名

嘉靖元年 先是十五年 會試至十六年 陸錢 費懋 中等

嘉靖二年 癸未 蔣冕 石珪 為考官 取李舜臣等四百名

嘉靖二年 癸未 蔣冕 石珪 為考官 取李舜臣等四百名



五年丙戌賈詠董玘為考官取趙時春等三百名

八年巳丑張惣霍韓為考官取唐順之等三百二十

十一年壬辰張朝郭維藩為考官取林大欽孔天徹高節等

士進

十四年乙未張驛蔡昂為考官取許毅等三百二十

十七年戊戌顧昂臣張邦奇為考官取袁煒等三百

二十年辛丑溫仁和張袞為考官取林樹聲等三百

二十三年甲辰江如聲為考官取瞿景淳等三百二十

二十六年丁未孫承恩張治為考官取胡正蒙等三百

二十九年庚戌張治歐陽德為考官取傅夏器等三百

進士

二十二年癸丑徐階教銑為考官取曹大章溫應祿等進士四百名

二十三年丙辰李本尹臺為考官取金達等三百名

二十八年己未李機嚴訥為考官取蔡茂春等三百名

三十四年壬戌袁緯董份為考官取王錫爵余有丁等進士

四十年乙丑高拱胡正蒙為考官取陳棟等四百名

隆慶二年戊辰李春芳殷士儋為考官取田一儁等四百名

等進士

五年辛未張居正呂調陽為考官取鄧以讚等四百名

高曆二年甲戌呂調陽王希烈為考官取孫繼皋余孟麟王應選等進士

士進

五丁丑 張四進申時行為考官取馮夢禎等三百

八年庚辰 申時行余有丁為考官取蕭良有等三百

十一年癸未 余有丁許國為考官取李廷機等三百

秋士進 丙戌 王錫爵周子義為考官取袁宗道等三百

弘志等 丙戌 王錫爵周子義為考官取袁宗道等三百

十七年 已丑 許國王弘誨為考官取陶望齡等三百

等進 已丑 許國王弘誨為考官取陶望齡等三百

士進 已丑 許國王弘誨為考官取陶望齡等三百

彊識畧十四卷終

彊識畧

卷之十四

二十一

陽春園

林玉